

慧峰上人入滅十五週年紀念
天台藏(首)之二

妙法蓮華經文句

湛然寺
印行

妙法蓮華經文句

印行者 湛然寺


地址：台南市70019忠義路二段38巷8號
電話：(06)222-8518
郵撥：00342301—聖禾帳戶

承印：祥光彩色製版社
地址：台南市東豐路53巷31號
電話：(06)2372573
2378366

中華民國七十七年十一月依開元寺所藏木版原書影印一千部
佛曆三〇一五



慧峰上人法相





皇圖鞏固 帝道遐昌
佛日增輝 法輪常轉

目次

刻法華玄義文句序

卷第一上

卷第一下

卷第二上

卷第二下

卷第三上

卷第三下

卷第四上

卷第四下

卷第五上

卷第五下

卷第六上

525 473 427 369 321 261 211 159 111 63 7 1

卷第六下		997
卷第七上		953
卷第七下		895
卷第八上		849
卷第八下		795
卷第九上		747
卷第九下		691
卷第十上		637
卷第十下		577

刻法華玄義文句序

夫法華經詮實相實相者果屬於權實麤妙偏圓小
大之教迹乎但一一如來出世必導衆機證實相故
雖有世界說一味教大約多世界必說五味之教也
如華嚴一經詮法界性圓融妙理初發心時便成正
覺爲對圓機說圓教處處說行布次第爲對權機說
別教菩薩大人而得領荷二乘在座全如聾瘡大隔
小也收機未盡對權說別圓猶兼別此天台師判爲
別圓教之旨也如阿含轉生滅四諦法輪聲聞觀於
四諦緣覺觀十二因緣菩薩修事六度三人同也同

拈實陰同歸但空三人異也二乘自度菩薩乃弘誓
與拔直修至成果頭佛耳四合三乘之相此天台師
判爲三藏教之旨也如方等諸部大集維摩等經彈
偏斥小歎大褒圓對半明滿令諸聲聞耻小慕大而
通前之藏通後之別通後之圓此天台師判爲通教
之旨也如五時般若帶半明滿融通泐汰共般若通
三人不共般若乃是界外獨菩薩法空生身子受教
轉教卽是領知家業別前之藏別前之通別後之圓
此天台師判爲別教之旨也如法華一部開前四味
兼但對帶之麤顯一佛乘純圓之妙故文云惟有一

乘法無二亦無三實相妙理直顯示之故文云開方便門示真實相示真實相者卽所謂以佛之知見使衆生開示悟入也菩薩疑除聲聞受記作佛如來出世本懷暢矣此天台師判爲純圓教之旨也夫惟諸如來也朝四暮三撫悅衆狙苦塗水洗養適嬰兒乃於純圓教以前立三時漸教若論窮無上願顯無上道則終屬乎此法華無上經也故二萬燈明併迦葉佛不說涅槃但說此經爲最後教耳世之曰九十五種曰四帛陀典曰老莊曰五經所載之道者卽世之所謂正道亦不過是大權聖人爲世權立耳人若有

悟入平等大慧者果見有外於法華者乎吾天台大師於靈山會上親聞法華至陳隋世應化此土自獲陀羅尼之後卽縱樂說辨以釋名辨體明宗論用判教五大意大意之下又開諸意諸意中如權實本迹觀心六卽四悉十界十如十妙等無量名義婉轉妙說而說歸之於經題所詮實相妙法故爲書曰玄義也其文句著文謂始終一部文字句謂逐句句逗大旨又以因緣教門觀心本迹等諸名義妙釋一部全文也所謂釋歸之於實相妙理令人勤修證也凡遇覽者當無勇進耶然所謂華嚴爲別圓異於清涼大

師者自非二大師與深位聖人孰能決人之疑耶蓋
圓極教輪停其轉實積世矣逮

明時共吾南宗之成輟斲絕絃又何足論雖邇年妙
峯覺師事研精於此未甚轉輪卽屬鶴樹矣惜之今
邑之吳之矩上宗遠海虞之嚴道時諸正信士欲馮
之度世俱自施勸人俞羨長則全部讀校每字臧否
以方冊之體刻成斯至典章安所謂甘露門之在茲
人適有謂予曰曹溪之韻久已無鍾子期乎予復之
曰雖爾亦薄自有賞音者 皆

萬曆己丑歲九月朔日荆溪善權寺釋智海叙

余

三

實

一

妙法蓮華經文句卷第一上

天台智者大師說

序品第一

佛出世難佛說是難傳譯此難自開悟難聞師講難一徧記難余二十七於金陵聽

受六十九於丹丘添削留贈後賢共期佛慧

委釋經題已如上說序者訓庠序謂階位賓主問答悉庠序也經家從義謂次由述也如是等五事冠於經首次序也放光六瑞起發之端由序也問答釋疑正說弄引敘述也具此三義故稱爲序品者中阿含云跋渠此翻爲品品者義類同者聚在一段故名品也或佛自唱品如梵網或結集所置如大論或譯人

添足如羅什今藥王本事是佛唱妙音觀音等是經家譯人未聞諸品之始故言第一佛赴緣作散花貫花兩說結集者按說傳之論者依經申之皆不節目古講師但敷弘義理不分章段若純用此意後生殆不識起盡又佛說貫散集者隨義立品增一云契經一分律一分阿毗曇一分契經更開四誦增一長中雜增一阿含明人天因果長阿含破邪見中阿含明深義雜阿含明禪定律開五部及八十誦阿毗曇開六足八捷度等阿含謂施戒慧六度皆足也謂根性道定等八種聚也天親作論以七功德分序品五示

現分方便品其餘品各有處分昔河西憑江東瑤取此意節目經文末代尤煩光宅轉細重霧翳於太清三光爲之戢耀問津者所不貴曇鸞云細科煙颺雜礪塵飛蓋若過若不及也廬山龍師分文爲序正流通二十七品統唯兩種從序至法師言方便言真實理一說三故寶塔下身方便身真實實遠唱近故又從方便至安樂行是因門從踊出下是果門齊中興印小山瑤從龍受經分文同玄暢從序至多寶爲因分從勸持至神力爲果分從囑累盡經爲護持分又有師云從序至學無學人記是法華體從法師至囑